



Broj: JN-1/18.7.3-16.4-28/23

Datum: 28.09.2023. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 22. stav 1. Zakona o službi za poslove sa strancima ("Službeni glasnik BiH", broj 54/05 i 36/08), člana 64. stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22), Pravilnika Aneks II („Službeni glasnik BiH“ broj 2/23) i Zapisnika o pregledu i ocjeni ponuda broj: JN-1/18.7.3-16.4-28/23 od 25.09.2023. godine, direktor Službe d o n o s i:

O D L U K U

Član 1.

Prihvata se preporuka Komisije za javne nabavke Službe o dodjeli Ugovora ponuđaču, na osnovu kriterija najniže cijene u provedenom postupku po Pravilniku Aneks II, za usluge vršenja tehničkog pregleda i registracije motornih vozila Službe, kako slijedi:

- **„CENTROTRANS“ d.d. Sarajevo** sa ukupnim iznosom ponude **12.126,91 KM** bez PDV-a.

Član 2.

Ugovorni organ će u roku od 7 dana dostaviti na potpis i ovjeru ponuđaču iz člana 1. ove Odluke potpisan i ovjeren Ugovor sa svoje strane računajući od dana zaprimanja saglasnosti Pravobranilaštva BiH na Protokolu Službe.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Ugovor potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora.

Član 3.

Za realizaciju ove Odluke zadužuje se Sektor za administraciju.

Član 4.

Ova odluka objavit će se na web stranici Ugovornog organa, www.sps.gov.ba, i istovremeno će se uputiti ponuđaču koji je učestvovao u postupku javne nabavke.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke usluga vršenja tehničkog pregleda i registracije vozila Službe broj: JN-1/18.1-16.4-28/23 od 16.08.2023. godine i proveden u skladu sa Zakonom o javnim nabavkama po Pravilniku o postupku dodjele Ugovora o uslugama iz Aneksa II („Službeni glasnik BiH“ broj 2/23).

Poziv za dostavljanje ponuda objavljen je na Portalu javnih nabavki dana 31.08.2023. godine, broj obavještenja: 1420-9-2-7-22-37/23.

Do roka za dostavu ponuda, ponudu su dostavila dva ponuđača i to;

-, „OSING-osiguranje inženjering“ d.o.o. Sarajevo i

-, „CENTROTRANS“ d.d. Sarajevo.

Komisija za javne nabavke Službe imenovana Odlukom direktora broj: 18.7.1-16.4-170/23 od 09.02.2023. godine izvršila je pregled i ocjenu ponuda (Zapisnik o pregledu i ocjeni ponuda broj: JN-1/18.7.3-16.4-28/23 od 25.09.2023. godine je u prilogu Odluke) i uputila preporuku direktoru Službe za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku

Žalba se izjavljuje Službi za poslove sa strancima u pisanoj formi u tri primjerka neposredno, elektronskim putem ili preporučeno poštom sa povratnicom u zakonskom roku.

Dostaviti:

-ponuđačima

-web stranica Službe

-a/a

